

沈達夫 著

風
人
詩



風
人
詩



繪所年早者作

真率之趣世者知者劣

不以繩墨取而相賞

於風塵之外也

癸亥三月錯翁



太平樂府亂離人破碎河山
錦繡心哉對沈郎百期待
弥天風雨作龍吟
于右任

回首銘歌廿載遠山
光樓影兩依依徐家
詩昔吳鴻去尚見蒼
鷹繞塔飛

風人先之雅齋

民國十七年秋林語書

墨遺詩人風書堂語林

時世妝

二〇〇

淡淡容顏淡淡光。悄無人處立昏黃。斜陽欲墜輕烟起。便是天然時世妝。
看花

朝來聞步晚流連。春到枝頭分外妍。巷口街頭皆可喜。栽花何必自家園。
洛郡觀圓明園故園

覆壓百里阿房宮。楚人一炬憐焦土。英法聯軍鐵蹄過。圓明園牘數根柱。
古來戰爭幾人存。何況人力所建樹。今日偶來觀故園。瓊樓玉宇疑仙都。
誰道虛幻如蜃吐。仰望海天長嘆吁。

湖上春望

濛濛烟柳望中生。拂拂東風曉更清。春水船如天上坐。青山人在畫中行。

偶遣

春夜阿婆夢尚迷。隔窗忽復聽啼鷄。大千猿鶴將何適。九十滄桑不自期。
世界看來何太小。人生如此亦傳奇。一麾欲把江湖去。蕩蕩吾心儻有知。

觀風雨一世情影劇

雨雨風風一世情。生離死別泪無聲。茫茫血海填何日。遺恨千秋說故明。

邊城遺迹

千年遺迹訪雲蒙。荒塞孤城別有風。馬跑爲邊站爲堞。邊以作牆堞作烽。載舞載歌神共樂。相扶相守族交融。誰知世上風雲變。祇見桃花歲歲紅。

獄

祇隔一道牆。頓然成兩國。牆外迢迢如天闕。誰知牆內泪和血。泪乾血淨且自樂。死不如生生亦足。眼穿鐵窗望曉旭。縱然熹微寧不燭。

夢游

萬仞高山夜獨行。有誰知我此時情。穿雲漸與青天近。微覺銀河有浪聲。

一綫

白黑紅黃色色全。群魔到處舞蹁躚。祇應上有老神在。隱隱手中一綫牽。

夏晨

眼中夢意尚迷離。早自開扉一杖攜。天色微微如欲日。衣衫薄薄好迎颼。紅花綠葉尋常見。安步當車到處宜。莫謂人生終寂寞。兩三聲有遠鷄啼。

海景苑賞荷賦贈主人

小城風光畫不如。海外梁鴻此中居。後園正報荷花放。相約好朋來一叙。有閣翼然出綠蔭。圍坐其間品佳茗。清香似隨風生座。況得絃歌助雅興。
座中播放梅蘭芳唱曲相對無言各含笑。爲感主人故意深。臨別依依還回首。一枝玉立正亭亭。

千禧生朝自賀

海外逢辰且自歌。韶華九十未爲多。滿櫥書卷千秋在。一室身栖八極羅。雖是客居猶足樂。幸無世事欲相磨。會當破浪乘風去。到處風光待咏歌。徧歷寰瀛九萬程。蒼茫天地惜餘生。柳鶯最憶西湖夢。薪膽難忘古越情。詩筒卅年收異域。畫樓一角供孤檠。人間合眼推難去。到處哀鳴有不平。一尺螢光百象真。況能瞬息歷霄塵。水雲鄉國舟爲屋。冰雪高原佛是親。

萬里家園何勞夢。八方風物共斯身。莫憂足力老來盡。祇要抬頭即四垠。
樓船儻許共華筵。想得飄飄便欲仙。花國南洲勝繪畫。冰山北極亦嬋娟。
老年異域逢千禧。四代同舟共月圓。碧海青天何所待。老夫未到也能占。

秋感

白髮三千酒一杯。秋宵重上舊池臺。烽烟八載恩仇在。河獄九州魂夢回。
故國滄桑曾幾度。隔江風雨更相催。海天萬里憑欄望。惟有月光是向來。
桂子飄香月滿廊。年年客裏度秋光。一心似水惟平好。萬事如雲半過忘。
偶亦舉杯澆塊壘。未妨遣興付詩囊。茫茫來日何須問。應識剎那即永長。

山中

白雲無古亦無今。雲外黃塵三尺深。到此正須千日住。縱然無酒不妨吟。

年華

年華夢裏昔猶今。兩鬢何能白轉青。豈有文章驚海內。且將落葉掃門庭。
一杯茶苦三更坐。幾卷書殘萬古心。鄰犬也憐人寂寞。兩三聲吠似知音。

乘車所見

輪椅坐來一女人。四肢僵廢頸難伸。不知何故心中樂。含笑微微欲啓唇。

悼柯靈

熠熠才華一代師。同文于越憶兒時。江湖兩地相忘久。故國重逢豈所期。晉觴正欲祝期頤。忽報修文召返時。遙望海天惟兩泪。千言萬語付哀詩。

悠悠

悠悠雲外一帆輕。寂寂林隄獨自行。落日浴波紅欲濕。殘蟬曳響暮猶鳴。空前方急人天戰。塵上猶紛原子爭。舉世滔滔無限劫。更從何處問蒼生。

偶見

天矯一松似虬龍。披髯分蔭坐其中。誰能攝得鏡頭看。不是仙人即道翁。

八掌溪映

山洪暴發八掌溪。三男一女命垂危。呼天不理地不應。相持屹立逾兩時。電視播放如演戲。千萬觀者驚又疑。漸見掙扎已不支。活活終被激流噬。

競選爲官拜託時。盡道萬事民是主。誰知無一官能視。坐令主人含冤死。警察消防責有司。水患救護近咫尺。竟無一聲通電話。竟無一員受遣使。眼看一場悲劇終。家口噉噉百手指。大官請辭小官罰。事後作態何濟事。

人海集船山句

人海茫茫笑獨藏。夜深微月映虛堂。幽情畢竟從吾好。濯足行將望八荒。衰柳晚荷猶戀雨。蕭閒詩味在欄杆。幾個飄然雲水外。將殘猶作未開看。遠到斜陽更有山。山是鴉青水蔚藍。不費一錢風景足。扁舟真落畫圖間。酒樓紅處一燈明。潮湧寒光月有聲。隱隱斷橋西去路。高低山色總無名。

史話

周室陵夷諸雄出。百家爭鳴各有立。始皇一舉天下一。書同文字車同轍。咸陽坑儒焚百籍。六合思想定于一。長城萬里防胡敵。揭竿田間起陳涉。楚漢爭霸阿房赤。烏江自刎高皇立。董生萬言上漢室。盡黜百家尊儒術。二千年來行復效。可憐元元蝸緣壁。歷經唐宋元明清。更以八股錮儒生。

方當神州暮氣沉。歐美科技如日升。吾道曷敵人炮火。弱肉強食理所然。痛定思痛寧不知。積習難返復何云。世界本來一多元。以民爲貴得其平。何當昨死今重生。不知有秦無論漢。試看明日之華夏。百花齊放萬象春。今年生朝方欣可攝影全家福留念不意長媳蘋蘋突因母病挈加凌孫女返臺致

缺兩人悵然賦此

方期攝得全家福。誰道臨時少二人。世間得失原常事。能共今朝亦可珍。

秋艷母女忽萬里來電問安謂夜來同時夢我

母女夜來同夢我。電傳萬里問安否。隔洋帶笑還相告。春到西湖好共舟。

壽念因八七仍步原

躍水攀高不似翁。老而彌健得天功。閒尋勝蹟嬌兒共。盛設瓊筵書畫同。雅俗最難能並賞。朋游況復得交融。知君大有詩人趣。寫影栽花樂在中。

陳家樹繪念因手持其亡妻張紉詩詩集囑題

生死悠悠別。手中一卷持。含情多少事。盡在不言時。

題家樹仿大千仕女圖

莫是文成出漢家。駒邊獨立望天涯。張髯風調陳郎筆。寫得娥眉萬里沙。

深圳麗湖小住

爲教四海結詩心。且作麗湖數日停。高塔凌雲騁一望。長隄垂釣列千亭。碧波百頃方凝碧。烏日半輪欲墮金。我自乘風觀四大。携筇偶向此間經。

西湖燈夜與影華義女暨建平同觀

一別桃花湖上春。重來又是桂香清。應驚西子雲山夢。十萬彩燈如畫明。不見柳浪不聞鶯。出水荷花盡是燈。莫話千年桑海恨。龍飛鳳舞且看今。

遊嚴子陵釣臺

七里瀧來訪子陵。一舟載得遠吟身。何須更入雲深處。如此春江醉死人。靜靜春江碧又寒。飛舲如矢入嚴灘。游人爭向東臺望。千古高風一釣竿。依依一水繞峰危。萬里來瞻嚴子祠。當日雲臺何處是。今人所仰祇漁磯。

桐廬渡假新村偶占

玲瓏樓閣五雲連。水碧山清別有天。到處人間無淨土。桃源却在桐江邊。

與蘭芬侄女家人同登玉皇山

玉皇山上倚高臺。一起湖江照眼開。萬戶千家烟霞裏。風光疑是宋城來。

桂花園吃茶遇雨

萬桂香中品茗時。忽來風雨似催詩。心中我有驚天句。祇恐吟來人不知。

重尋雲溪竹徑

雲溪又喜此來游。萬竹如波曲徑幽。道我有情鐘一見。八年舊跡倘應留。

甥孫女一超時方八歲曾刻風人一見鍾情于竹上

城隍閣聽歌

樓起吳山第一峰。千家烟火悵成空。偷閒且自聽歌坐。卅里湖光到眼中。

故雨重聚紅泥樓感賦

回首前塵夢已荒。相逢各撫鬢蒼蒼。計年真可成千禧。老友十二人計年已近千歲隔海何

期聚一堂。早識浮雲等富貴。未妨談笑付滄桑。但求歲歲如今日。圍坐

紅泥共舉觴。

重游吼山

草石凌霄危未傾。兒時長憶吼山經。重來八十餘年後。添得風光似畫屏。

訪青藤書屋

遺墨琳琅恍見真。千年書屋贍青藤。古槐陰處天池在。來弔畸才一代人。

沈園留題

殘荷欲盡柳無綿。萬里重來訪沈園。誰道釵頭鳳一曲。長留遺恨到千年。

西湖賞花賦似影華

千紅萬紫不知秋。湖上看花得小留。見說強人今是女。況能同在故園游。

宋城嘗宋嫂魚羹

長憶西湖宋嫂羹。今朝復得到官城。縱然人世今非昔。也覺於無聊勝情。

曲院小聚

山色空濛雨似烟。小亭便在曲池邊。最難相聚同新故。一盞清茶萬葉蓮。

風荷秋望

蕭閒詩味在欄杆。秋老芙渠帶雨寒。一種情懷誰解得。將殘猶作未開看。
偕湘若泛舟湖上

卅里湖光一葉篷。更誰能得識游踪。湖心亭與三潭月。恰似故人今又逢。
西湖竹枝

花與夕陽一樣紅。小車載得過湖東。阿儂別有深心在。不看孤山看兩峯。
湧金門外水濛濛。梅雨初晴出遠峰。爲訪湖邊蘇小墓。扁舟先到斷橋東。
垂柳垂楊翠幾重。儂家自住畫圖中。晚來獨倚欄杆立。閒聽南屏一杵鐘。

前題

夕陽萬事莫如花。隄上湖邊曳杖斜。都道虎跑泉水好。何妨小坐吃杯茶。
孤山送別步緣湖。楊柳滿隄隄姓蘇。樓外樓臨堤外水。與君能飲一杯無。
登東方明珠

凌霄一塔上明珠。浦水潏回衣帶如。我自登高成四望。摩天萬厦喜新都。

浦江舟游

千門萬戶兩城分，一棹秋江泛夕曛。最是金樓高百仞。風騷應許領群倫。

荊金大廈高度爲最

望夫石

在武昌

哭到無聲時。悲哀凝成石。望夫不歸來。千年山頭立。

記夢

二〇〇〇·十·十九

晨光隔牖欲微明。枕上撫眸尚自驚。如此江山生罕見。空前景色妙無名。懸崖萬險下千仞。一步死來一步生。道是傳奇何可道。縱教是夢也難形。

歸車

秋來一路葉如花。車上悠然坐到家。投老漸知人世好。夕陽萬瓦燦光華。

夢餘

清芬一縷到床前。茶熟泥爐賸有烟。夢後猶餘詩意在。微知窗影是花妍。

假寐